

Хэрэглэгчдэд зориулсан эмийн хэрэглээний заавар

ПРОСПАН®ФОРТЕ (PROSPAN®FORTE)

Худалдааны нэр: Проспан® форте

Эмийн хэлбэр: ханиалга дарах, шуугиж уусдаг шахмал.

Найрлага

1 ширхэг “шуугиж уусдаг” шахмалд:

идэвхтэй үйлчлэгч бодис: 65 мг ороонго өвсний хуурай экстракт [(5-7.5):1], нэмэлтээр: спирт 30 % (м/м).
туслах бодис: усгүйжүүлсэн нимбэгний хүчил, натрийн гидрокарбонат, усгүйжүүлсэн натрийн карбонат, маннит, симетикон, сахаринат натри, натрийн цикламат, натрийн цитрат, сорбит, дунд гинжин хэлхээний триглицерид, макроголын глициролидроксистеарат, амт үнэр оруулагч.

Харагдах байдал

Бор хүрэн өнгөтэй, гантиг чулуу мэт судалтай, хуваахад зориулсан хэрчлээстэй, дугариг шахмал. Усанд уусгах үед, бүрэн тунгалаг бус, шар ногоон өнгөтэй, жүржийн амттай уусмал болно.

Эмийн эмчилгээний бүлэг

Амьсгалын замын ханиад шуухинааг эмчлэх, ургамлын гаралтай бэлдмэл.

АТС код: R05CA.

Фармакологийн шинж чанар

Фармакодинамик.

Цэр ховхлох үйлдэлтэй. Энэ үйлдэл нь: уг бэлдмэл ходоодны салстыг цочроосноор, ургаль мэдрэлийн тогтолцооны парасимпатикийн мэдрэгч мэдрэлийн төгсгөлийг рефлексийн замаар өдөөж, улмаар цагаан мөгөөрсөн хоолойн салстын булчирхайнуудын үйл ажиллагааг идэвхижүүлдэгтэй холбоотой гэж үзэж байна. *in vitro* орчинд хийгдсэн иммуногистохимийн ба биофизикийн туршилт судалгаагаар бэлдмэл нь альвеолын II хэлбэрийн хучуур эсийг хүчтэй сэдээхийн хамт, α-гедериний нөлөөгөөр β2-рецепторуудын мэдрэг чанар буурах үйл явцыг дарангуйлдаг.

Фармакокинетик

Проспан® форте бэлдмэлийн фармакокинетик ба биохүрэхүйн талаар хийгдсэн судалгаа байхгүй.

Хэрэглэх заалт


Цагаан мөгөөрсөн хоолойн архаг үрэвсэл ба амьсгалын замын цочмог үрэвсэлт өвчний үед ханиалга дарах болон бусад шинж тэмдгийг “зөөлөх”, намдаах зорилгоор хэрэглэнэ.

Хориглох заалт

Бэлдмэлийн найрлагад орсон аль нэг бодист хэт мэдрэгшсэн бол хэрэглэхгүй.

Хэрэв Танд фруктоз зохидоггүй бол эмчтэйгээ зөвлөлдсөний дараа хэрэглэх эсэхээ шийдэх хэрэгтэй.

Жирэмсэн ба хөхүүл үеийн хэрэглээ



Энэ бэлдмэлийг, жирэмсэн ба хүүхдээ хөхүүлж байгаа эмэгтэйд хэрэглэх үеийн үр дүн, аюулгүй байдлын судалгаанууд бүрэн хийгдээгүй байгаа учраас хэрэглэхийг хориглоно.

Хэрэглэх арга, тун

Насанд хүрэгчдэд болон 12-с дээш насын хүүхдэд: өглөөд 1 ширхэг шуугидаг шахмал, оройд тал шахмал (хоногт 97,5 мг хуурай экстракт оногдоно), харин 6-12 настай хүүхдэд тал шахмалаар хоногт 2 удаа (хоногт 65мг хуурай экстракт оногдоно) уулгана.

Шахмалыг голоор нь хуваагаад ууж болно.

Шахмалыг өглөө, оройд нэг аяга усанд (ойролцоогоор 100-200 мл) уусгаад ууна.

Шахмалыг уусгах ус халуун эсвэл хүйтэн байж болно.

Эмчилгээг үргэлжлүүлэх хугацаа нь өвчиний төрөл ба хүнд хөнгөнөөс хамаараад харилцан адилгүй байж болох ч хамгийн багадаа нэг долоо хоногоос багагүй (өвчин хөнгөн байсан ч мөн адил) байх хэрэгтэй. Архаг өвчиний үед эмчилгээний сайн үр дүнг удаан хугацаанд 2-3 хадгалахын тулд Проплан® форте бэлдмэлийг өвчиний байдал сайжирснаас хойш хоногийн турш үргэлжлүүлэх хэрэгтэй.

Гаж нөлөө

Маш элбэг : ($\geq 1/10$)

Элбэг: ($\geq 1/100 - <1/10$)

Хааяа: ($\geq 1/1,000 - < 1/100$)

Ховор : ($\geq 1/10,000 - < 1/1,000$)

Маш ховор: ($< 1/10,000$)

Давтамж тодорхойгүй:(мэдэгдэж байгаа тохиолдолд үндэслэн давтамжийг тогтоох боломжгүй)

Маш ховор тохиолдолд ороонго өвс агуулсан бэлдмэлийг хэрэглэсний дараа амьсгаадах, Квинкийн хаван үүсэх, чонон хөрвөс, экзантема зэрэг харшлын урвалууд мэдээлэгдэж байсан.

Зарим мэдрэг хүмүүст ховор тохиолдолд дотор муухайрах, бөөлжих, гүйлгэх зэргээр ходоод гэдэсний хямрал үүсч болзошгүй.

Тун хэтрэлт

Хоногт хэрэглэхээр заагдсан тунг хэтрүүлэн хэрэглэж болохгүй. Заагдсан тунгаас хэтрүүлэн хэрэглэсэн (3 дахин илүү тунгаар) тохиолдолд дотор муухайрах, бөөлжих, гүйлгэх зэрэг шинж илэрнэ. Эмчилгээ нь шинж тэмдгийн.

Бусад эмийн бодисуудтай харилцан үйлчлэлцэх


Одоогоор бусад эмүүдтэй харилцан үйлчлэлд орсон тухай мэдээлэлд ирээгүй ба энэ талаар тусгайлан хийсэн туршилт судалгаа байхгүй.

Онцгой анхааруулга

Проплан® форте бэлдмэлийг 6-с дооши насын хүүхдэд хэрэглэхгүй. Нэг ширхэг шуугидаг шахмалд 6,58 ммоль (эсвэл 151,33 мг) натри агуулдаг. Үүнийг хоолны тусгай дэглэм баримтлах (натри ба давс багатай хоол) шаардлагатай хүмүүст хэрэглэх бол тооцох хэрэгтэй.

Проплан® форте бэлдмэлийн найрлагад ордог амт, үнэр оруулагч бодис нь лактоз агуулдаг (1шуугидаг шахмалд 29,7 мг), тиймээс энэ бэлдмэлийг галактоз тохирдоггүй, удамшлын ховор өвчин болох лактазын төрөлхийх дутагдалтай эсвэл глюкоз-галактозын хам шинж бүхий хүмүүст хэрэглэхгүй.

Анхааруулга:



Хэрэв бэлдмэлийг хэрэглээд өвчтөний биеийн байдал сайжрахгүй, амьсгаадах халуурах, идээтэй эсвэл цустай цэр гарах зэргээр хүндрэх шинж ажиглагдвал эмчид яаралтай хандана уу.

Эмийн бодис, тээврийн хэрэгсэл жолоодох, хөдөлгөөнт хэрэгсэлтэй харьцах зэрэг осолтой хөдөлмөр эрхлэхэд нөлөө үзүүлэх эсэх
Нөлөө үзүүлэхгүй

Эмийн хэлбэр, савалт

Нэг шахмалыг нэг жижиг уутанд савлаж; утыг 2 ширхээр холbon, тэдгээрийг салгахад амар байхаар цоолж бэлдсэн ба 5 ширхэг холбоотой бэлдмэлийг эм хэрэглэх зааврын хамт хатуу цаасан хайрцагт хийж битуумжлэн хаягласан.

Хадгалах нөхцөл

25°C-с ихгүй хэмд, хүүхэд хүрэхээргүй газарт хадгал.

Хадгалах хугацаа

3 жил.

Хадгалах хугацаа нь дууссан бэлдмэлийг хэрэглэхийг хориглоно.

Эмийн сангаас ологох нөхцөл

Жоргүй олгоно.

Үйлдвэрлэгч

Герман улс. Нидердорфельден хот. Херцбергштрассе, 3, 61138
Энгельгард Арцнаймиттель ГмбХ & Ко КГ.

Тусгай төлөөлөгч

Швейцари улс. Берн хот. Альпен Фарма АГ

